



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

III. Des Metropolitens zu Magdeburg und der Bischöfe zu Lebus,
Brandenburg und Havelberg Ablassbrief für das heilige Blut zu Wilsnack,
vom Jahre 1384.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

II. Ablassbrief des Papstes Urban für das heilige Blut zu Wilsnack, vom Jahre 1384.

Vrbanus Episcopus, Seruus seruorum Dei, Vniuersis Christi fidelibus praesentes literas inspecturis, Salutem et Apostolicam benedictionem. Licet is de cuius munere venit, vt sibi a fidelibus suis digne et laudabiliter seruiatur, de abundantia pietatis suae, quae merita supplicum excedit, et vota bene seruientibus multo maiora retribuat, quam valeant promereri, nihilominus tamen desiderantes Domino reddere populum acceptabilem, et bonorum operum sectatorem, fideles ipsos ad complacendum ei, quasi quibusdam allectiuis muneribus, Indulgentijs videlicet et remissionibus inuitamus, vt exinde reddantur diuinae gratiae aptiores. Cum itaque, sicut accepimus, parochialis Ecclesia S. Nicolai in Vuilsnack Hauelbergenfis Dioecesis, per nonnullos iniquitatis filios combusta, de nouo construatur, ad cuius consummationem, fidelium suffragia sunt plurimum oportuna. Nos cupientes dictam Ecclesiam ad debitum perducere effectum, vt postquam constructa et aedificata fuerit, congruis honoribus frequentetur, et vt Christi fideles eo libentius causa deuotionis confluant ad eandem, et ad constructionem ipsius, manus promptius porrigant adiutrices, quo ibidem vberius dono coelestis gratiae conspexerint se refectos, de omnipotentis Dei Misericordia, et beatorum Petri et Pauli Apostolorum eius autoritate confisi, omnibus vere poenitentibus et confessis, qui in Natiuitatis, Circumcisionis, Epiphaniae, Resurrectionis, Ascensionis, Corporis Domini nostri Jesu Christi, Pentecostes, nec non in Natiuitatis, Annunciationis, Purificationis et Assumptionis beatae Mariae virginis, Natiuitatis beati Johannis Baptistae, dictorumque Apostolorum Petri et Pauli, et ipsius Ecclesiae dedicationis festiuitatibus, et celebritate omnium Sanctorum, nec non per ipsarum Natiuitatis, Epiphaniae, Resurrectionis, Ascensionis, Corporis Domini, ac Natiuitatis et Assumptionis beatae Mariae, et beati Johannis, et Apostolorum Petri et Pauli praedictarum festiuitatum Octauas, et per sex dies deinde festum Pentecostes immediate sequentes, praefatam Ecclesiam deuote visitauerint annuatim, et ad constructionem huiusmodi, manus porrexerint adiutrices, singulis videlicet festiuitatum et celebritatum vnum annum et quadraginta dies Octauarum vero, et sex dierum praedictorum diebus, quibus praedictam Ecclesiam visitauerint et porrexerint manus adiutrices, vt praefertur, centum dies de iniunctis eis poenitentijs misericorditer relaxamus praesentibus post decennium minime valituris. Datum Neapoli apud maiorem Ecclesiam Neapolitanam X. Calend. Martij, Pontificatus nostri, Anno sexto.

Nach Lüdtk.

III. Des Metropolitens zu Magdeburg und der Bischöfe zu Lebus, Brandenburg und Havelberg Ablassbrief für das heilige Blut zu Wilsnack, vom Jahre 1384.

In nomine domini amen. Albertus miseratione diuina sanctae Magdeburgensis Ecclesiae Archiepiscopus, Johannes Lubufensis Ecclesiae Episcopus, Theodericus Brandenburgensis, et Theodericus Hauelbergenfis Ecclesiarum Episcopi, Vniuersis Christi fidelibus, ad quorum noticiam praesentes nostrae literae peruenerint, Salutem in Domino sempiternam. Quoniam, vt ait Apostolus, omnes stabimus ante tribunal Christi, recepturi pro vt quisque in corpore suo gessit, siue bonum siue malum: Rursum, qui seminat in benedictionibus, de benedictione et iam metet vitam sempiternam: qua propter oportet nos diem messonis extremae, misericordiae operibus praenire. Attendentes manifesta et notoria miracula, quae propter violentiam et concremationem in Ecclesia parochiali Sancti Niholai villae Vuilsnak, a nonnullis filijs iniquitatis, Dei timore postposito, et omni verecundia retroiecta perpetrata, dominus noster Jesus Christus

in sui corporis Sacramentalis veritate sic dignatus est operari, quod in tribus hostijs per Rectorem dictae Ecclesiae consecratis, et ante incensionem in Ecclesia retentis, et post concremationem dictae Ecclesiae super altare in corporali in parte concremato, octauo die concremationis super altare miraculose inuentis, in qualibet hostia appareat gutta sanguinis manifesti, ac nonnulla alia miracula, quae in eodem loco omnipotens Deus dignatur operari, omnibus et singulis vere poenitentibus et contritis, dictum locum Vuilsnak, et corpus dominicum ibidem cum humilitate et deuotione visitantibus, pro quolibet passagio miliarium, quadraginta dierum Indulgentias in accedendo et recedendo, et quoties coemeterium dictae Ecclesiae circumierint similiter 40 dierum indulgentias, et quotiescumque coram dicto Sacramento corporis et sanguinis, flexis genibus orationes suas ad Deum effuderint, Nos Albertus dictae diuinae miserationis Archiepiscopus, Johannes Lubusensis, Theodoricus et Theodoricus Brandenburgensis et Havelbergenfis Ecclesiarum Episcopi, quilibet nostrum autoritate Omnipotentis Dei 40 dierum indulgentias de iniunctis eis poenitentijs in Domino misericorditer relaxamus. Caeterum vt in die corporis Christi et per Octauas eiusdem festi, Christi fideles ad visitandum dictum locum, et dictum Sacramentum et sanguinem miraculosum deuotius intuendum, stipendijs spiritualibus ad corroborationem fidei Catholicae realiter et amplius incitentur, omnibus vere poenitentibus et contritis dictum locum visitantibus, et ibidem diuina, et praecipue Missam in dicta Ecclesia audientibus, vltra indulgentias, ob speciale priuilegium dictae festiuitatis a sede Apostolica indultas, ac etiam per nos prius, vt praemittitur, concessas, dicta Dei omnipotentis gratia confisi, quadraginta dierum indulgentias de iniunctis poenitentijs misericorditer in Domino relaxamus. Datum Anno domini Millesimo, trecentesimo, octuagesimo quarto, feria tertia post dominicam tertiam in Quadragesima. Oculi mei ad dominum, nostris sub sigillis.

Nach Kütke.

IV. Ablassbrief des Kardinals Philipp von Alconio, Bischofs zu Ostia, wegen des heiligen Blutes zu Wilsnack, vom Jahre 1388.

Philippus de Alconio miseratione diuina Episcopus Ostiensis, sacrosanctae Romanae Ecclesiae Cardinalis, Apostolicae sedis Legatus, Vniuersi Christi fidelibus praesentes literas inspecturis, Salutem in Domino. Quoniam, vt ait Apostolus, omnes stabimus ante tribunal Christi, recepturi pro vt in corpore gesimus, siue bonum fuerit, siue malum, oportet nos diem messonis extremae, misericordiae operibus praeuenire, et aeternorum intuitu id seminare in terris, quod reddente Domino, cum multiplicato fructu colligere mereamur in caelis, spem firmam fiduciamque tenentes, quoniam qui parce seminat, parce et metet, et qui seminat in benedictionibus, de benedictionibus et metet vitam aeternam. Cum itaque sicut accepimus, parochialis Ecclesia Sancti Nicolai in Vuilsnack Havelbergenfis dioecesis, per nonnullos iniquitatis filios combusta fuerit et ideo sit de nouo reaedificanda, ad cuius reaedificationem non suppetunt ipsius Ecclesiae et parochianorum eiusdem facultates, et sine pijs fidelium Eleemosynis reaedificari non valeat, Nos cupientes, quod Ecclesia ipsa debite reparetur et deuotis honoribus frequentetur, et vt Christi fideles eo libentius causa deuotionis ad ipsam confluant Ecclesiam, et ad huiusmodi reparationem siue nouam reaedificationem manus promptius porrigant adiutrices, quo ex hoc ibidem dono coelestis gratiae vberius conspexerint se refectos, omnibus vere poenitentibus et confessis, qui in Natiuitatis, Circumcisionis, Epiphaniae, Resurrectionis, Ascensionis, corporis Domini nostri Jesu Christi et pentecostes, ac etiam in Natiuitatis Annunciationis, purificationis beatae Mariae virginis, Natiuitatis beati Johannis Bap-